

ԲԱՆԱՎԵՃԵՐ ԵՎ ՔՆՆԱՐԿՈՒՄՆԵՐ ДИСКУССИИ И ОБСУЖДЕНИЯ

ԱՐԴՅՈՔ ՄԻՋՆԱԴԱՐՅԱՆ ՀԱՅԱՍՏԱՆՈՒՄ
ՏԵՂԻ ՈՒՆԵՑԵԼ Է
ԿԱՊԻՏԱԼԻ ՆԱԽԱՍԿՋԲՆԱԿԱՆ ԿՈՒՏԱԿՈՒՄ

ԱՇՈՏ ՀՈՎՀԱՆՆԻՍՅԱՆ

Կապիտալի նախասկզբնական կուտակման պրոբլեմը քննարկելիս Մարքսը ելնում էր առկա կապիտալիստական տնտեսաձևի օրինաչափությունները վերհանելու խնդրից: Որչափ նա զբաղվում էր այդ խնդրով, բնական է, որ հետագոտեր ոչ միայն այդ տնտեսաձևի զարգացման պրոցեսը, այլև նրա ծագումը, այսպես կոչված կապիտալի նախասկզբնական կուտակման պրոբլեմը: Իր «Բնության դիալեկտիկայում» էնդելսը կատարեց նույնիսկ նախասկզբնական կուտակման շրջանի կուլտուրական վերնաշենքի, Ռենեսանսի, ուսումնասիրման հանձարեզ փորձը:

Կապիտալի նախասկզբնական կուտակումը Հայաստանում ուսումնասիրելու խնդիրը սկսվեց հակառակ ծայրից: Հատկանշական է, որ մեզանում դրան ձեռնարկեցին ոչ թե միջնադարյան Հայաստանի պատմությամբ զբաղվող մարքսիստ-տնտեսագետները, այլ՝ հայ կուլտուրայի, գրականության ու փիլիսոփայության որոշ ուսումնասիրողներ: Տրամադրված լինելով X—XIII դարերի հայ փիլիսոփայության մտքի կամ գրականության ու արվեստի հուշարձանները համարել Հայկական ռենեսանսի կամ Վաղ ռենեսանսի արտահայտություն՝ սրանք պահանջ էին դրում նաև որոնել կամ ավելի ճիշտ՝ լաստակերտել դրան սաղական սոցիալ-տնտեսական պատվանդան: Այդ պահանջի արդյունքն էր, որ փորձեր արվեցին հայտնագործելու միջնադարյան Հայաստանում կապիտալիզմի սաղմնավորման և ֆեոդալիզմի քայքայման, այլ խոսքով կապիտալի նախասկզբնական կուտակման փաստեր:

Կապիտալի ծագման պրոցեսը, նրա նախասկզբնական կաղմավորումը տարբեր երկրներում տեղի է ունենում պատմական տարբեր ժամանակաշրջաններում, ամեն անգամ ստանում տեղական կոնկրետ պայմաններին համապատասխանող երանդավորում, անցնում զարգացման տարբեր աստիճաններ կամ ցուցաբերում տարբեր հաջորդականություն: Այսպես, հայտնի է, որ Արևմտյան Իվրոպայում ֆեոդալական իշխող ֆեոդալացի ընդերքում կապիտալիստական կացութաձևը կաղմավորվում էր մի ժամանակ, երբ վաղուց արդեն վերացված էր ճորտատիրական իրավունքն ու գյուղացիության հողամրացված վիճակը: Այլ պայմաններում կատարվեց կապիտալիզմի սկզբնավորումը Արևելյան Եվրոպայում: Ինչպես Պրուսիայում, այնպես և Ռուսաստանում կապիտալիստական կացութաձևի կաղմավորման պրոցեսը տեղի ուներ գյուղացիների հա-

դամբարանցման պրակտիկային զուգընթաց: Այնուամենայնիվ բոլոր պարագաներում, ինչպես նշել է Մարքսը, կապիտալի կազմավորման պատմական պրոցեսը ամենուրեք ունեցել է նաև հիմնական ու կայուն հատկանիշներ:

Պարզ ապրանքափոխանակությունից կապիտալիստական արտադրության անցնելու համար անհրաժեշտ է երկու նախապայման. նախ այն, որ արտադրողները զրկված լինեն արտադրամիջոցներից և ապա այն, որ առկա լինի փողային հարստության այն կուտակումը, առանց որի հնարավոր չէ կապիտալիստական արդյունաբերության մեջ գործի դնել արտադրամիջոցներից զրկվածների բանվորական ուժը:

Եթե X—XIII դարերի Հայաստանի պայմաններում խոսք է լինում կապիտալիստական հարաբերությունների սաղմնավորման կամ կապիտալի նախասկզբնական կուտակման պրոցեսի մասին, ապա անհրաժեշտ է, որ այդ դարերի Հայաստանի կոնկրետ իրադրության մեջ ևս առկա եղած լինեին այդ երկու նախապայմանները:

Ինչ իրադրություն էր իշխում իրոք այդ դարերի ընթացքում Հայաստանում: Արդյոք երկրի տնտեսության վերընթաց պրոցեսն այդ դարերում հանգեցնում էր կապիտալի նախասկզբնական կուտակման ու ֆեոդալիզմի քայքայման, ինչպես ենթադրում են ոմանք. թե, ընդհակառակը, տեղի ունեւ սոսկ ֆեոդալական փակ տնտեսության քայքայման և դեպի զարգացած ֆեոդալիզմը միտված այն պրոցեսը, որ պայմանավորված էր առևտրա-վաշխառուական հարաբերությունների զարգացմամբ: Հայտնի է, որ այդ դարերում հասարակական աշխատանքի բաժանում էր կատարվում Հայաստանի գյուղի և քաղաքի միջև: Քաղաքները, որոնք առաջ միայն ուղղմական կամ վարչական կենտրոններ էին, դառնում էին արդյունագործության և առևտրի հանգույցներ, կուտակվող հարստության ու կուտուրայի հանգրվաններ: Գյուղատնտեսական մթերքների և քաղաքում արտադրած պրոդուկտների վաճառման համար ստեղծվում էր քաղաքային շուկա և հատուկ նշանակություն ստանում ապրանքաշրջանառության կարևորագույն լծակը՝ փողը: Մի շարք քաղաքներ՝ Դվինը, Անին, Կարսը, Արծնը և այլն կարևորություն էին ստանում ոչ միայն որպես տեղական, այլև միջազգային առևտուրը հանգուցավորող շահաստաններ: Ինչպես գրում էր XI դարի պատմիչ Լաստիվերտցին, սրանց հարստությունը կուտակվում էր «բազում ընչեղություններ ի ծովէ և ի ցամաքէ ամբարեալ», և սրանց առևտրականները անուն էին ստանում «ի մեջ աշխարհաց», դառնում մի տեսակ ապրանք զնոդ, «թագավորք ազգաց», ապրանքների վրա իշխող արքաներ:

Ֆեոդալիզմի զարգացման այս էտապում հին իշխողների կողքին հատուկ որակ ու կշիռ են ստանում քաղաքային արհեստավորությունը և առևտրա-վաշխառուական հասարակախավերը: Հետզհետե նկատելի է դառնում մի կողմից քաղաքային մեծատոմսների՝ պատրիցիատի, և մյուս կողմից քաղաքային ներքնախավի՝ պլիբսի առկայությունը: Գյուղի և քաղաքի տարբերակման և բնակչության համապատասխան շերտավորման զուգընթաց՝ ֆեոդալական հասարակության ներսում զնալով խորանում է ֆեոդալական վերնախավերի դեմ հասարակական ներքնախավերի դասակարգային պայքարը. այս մասին բավմաթիվ վկայություններ կան նաև մեր հիշատակած Լաստիվերտցու մոտ:

Գյուղացիների և քաղաքների մասսաների պայքարը ուղղված էր աշխարհիկ ու հոգևոր ֆեոդալների և քաղաքաբնակ մեծատոմսների դեմ: Այդ պայքարը հատուկ կնիք էր դնում կուտուրական կյանքի, ժողովրդական ստեղծա-

գործության և կրոնա-աղանդավորական շարժումների վրա: Չնայած տնտեսական կյանքը մտել էր դարգացման մի շրջան, որը սկզբնավորվող ֆեոդալիզմի համեմատությամբ ցույց է տալիս նկատելի վերելք և որակական տարբերություններ—քաղաքային կյանքի սկզբնավորման փաստը, քաղաքաբնակչության կազմավորումը, նրա բախումները իշխող վերնախավերի հետ, աշխարհիկ մտահայեցողության ծավալումը և այլն—այնուամենայնիվ, այս շրջանում չէր ստեղծվում տակավին նոր, բուրժուական կամ կապիտալիստական կացութաձև: Միջնադարյան Արևմուտքում «պայքարելով աղնվականության դեմ՝ քաղաքային բուրժուազիան իր համար տեղ է նվաճում ֆեոդալական սիստեմի մեջ դարձյալ որպես արտոնյալ դաս»¹: Զարգացած ֆեոդալիզմի այս շրջանում ծավալվող պարզ ապրանքաշրջանառության պայմաններում նույն երևույթը տեղի ունեւ նաև Հայաստանում:

Եթե մինչև X—XIII դարերը Հայաստանի ֆեոդալական հարաբերությունները զարգանում էին բնատնտեսական (այլ խոսքով՝ ֆեոդալական փակ տնտեսության) հիմքերի վրա, X—XIII դարերում, զարգացած ֆեոդալիզմի իրագրության մեջ, այսինքն պարզ ապրանքաշրջանառության ազդեցության տակ, սկսում են խախտվել, բայց դեռ չեն վերանում իսպառ այդ հիմքերը:

Հետևելով այսպես կոչված «հայկական ունեսանսի» շուրջը տեղի ունեցող դիսկուսիաների ընթացքին, դժվար չէ նկատել, որ հաճախ թյուրիմացությունների աղբյուր է դառնում այն հանգամանքը, որ ոմանք խոսում են ֆեոդալիզմի քայքայման ու բուրժուական կամ կապիտալիստական հարաբերությունների «սաղմնավորման» մասին այնտեղ, ուր խոսք կարող է լինել միայն պրոդուկտների փոխանակման բնատնտեսական եղանակի և պարզ ապրանքաշրջանառության համատեղման մասին: Անհեթեթություն է զարգացող ֆեոդալիզմը համատեղել Բայբայվող ֆեոդալիզմի հետ: Զարգացող ֆեոդալիզմը, պատմականորեն միայն ճանապարհ կարող է հարթել քայքայվող ֆեոդալիզմի առաջ: Սակայն այդ դեռ իրավունք չի տալիս ի մի խառնելու կամ նույնացնելու ֆեոդալիզմի վերելքի և վայրէջքի ասպեկտները և ֆեոդալիզմի քայքայում որոնել այնտեղ, ուր փաստապես տեղի ունի միայն նրա զարգացումը:

Պարզ ապրանքաարտադրության պայմաններում ֆեոդալիզմը ոչ թե քայքայվում էր, այլ, ընդհակառակը, մտնում զարգացման իր բարձր շրջանը: Ելուղում չէին խախտվել բնատնտեսության հիմքերը և դեռ իշխում էր տնային արտադրությունը: X—XIII դարերում Հայաստանի գյուղացին շուկա էր հանում իր արտադրած կենսամիջոցների (հացի, բանջարեղենի, կաթնամթերքների, մսի, բրդի, կաշիների և այլն) ավելցուկները միայն: Ելուղը դեռ չէր դարձել Ֆանուֆալիտության արտադրությանը սպասարկող շուկա: Ելուղատնտեսության հետ որոշ կապ ունեցող աղահանքերն ու պղնձահանքերն անգամ մշակվում էին ֆեոդալական արդյունաձևության պրիմիտիվ տեխնիկայով: Իրերի արտադրողական ուժերի դարգացման ցածր աստիճանը տակավին չէր հասել կապիտալի նախասկզբնական կուտակման համար անհրաժեշտ աստիճանի:

Կապիտալի նախասկզբնական կազմավորումը կատարվում է առևտրավաշխառուական կապիտալի ծավալման և մանր սեփականատերերի բռնի ունեղրվման ճանապարհով: Վերջին երկու պրոցեսների առկայությունը ան-

¹ К. Маркс и Фр. Энгельс, Избранные произведения, т. II, էջ 152 և հտ.:

հրաժեշտ է կապիտալիստական հարաբերությունների սաղմնավորման համար։ Սակայն միշտ չէ, որ այդ պրոցեսների առկայությունը հանդեցնում է կապիտալիզմի սաղմնավորման։

«Առևտրային և վաշխառուական կապիտալը, — գրում է Լենինը ձեռնարկելով Մարքսի ուսմունքը, — պատմականորեն միշտ նախորդում են արդյունաբերական կապիտալի գոյանալուն և տրամաբանորեն այս պրոցեսի անհրաժեշտ պայմանն են հանդիսանում... Բայց ինքնըստինքյան ո՛չ առևտրային և ո՛չ էլ վաշխառուական կապիտալը դեռ բավարար պայման չեն կազմում արդյունաբերական կապիտալի (այսինքն՝ կապիտալիստական արտադրության) առաջացման համար. դրանք միշտ չէ որ արտադրության հին ձևը քայքայում և տեղը արտադրության կապիտալիստական եղանակն են դնում. այս վերջինի պրոցեսումն «ամբողջովին կախված է զարգացման պատմական աստիճանից և տվյալ հանգամանքներից»¹։

Հիրավի, ապրանքային արտադրություն, առևտրա-վաշխառուական կապիտալի ծավալում կամ մասսայական պառուպերացման պրոցես կար նաև անտիկ ստրկատիրության բարձր էտապում, այդ պրոցեսը դեռ բավական չէր «տրամաբանորեն» արդյունաբերական կապիտալի հանգելու համար։ Միայն ֆեոդալական հասարակության ընդերքում զարգացող մանուֆակտուրայի առկայությունն է, որ կարող է հանդիսանալ կապիտալիստական արտադրության պատմական և տրամաբանական անհրաժեշտ ելակետը։ Դիտել առևտրա-վաշխառուական կապիտալի զարգացումը, մասսաների ունեզրկումը կամ ապրանքաշրջանառության ծավալումը ինքյան արդեն որպես նախակապիտալիստական որևէ ֆորմացիայի քայքայման ու կապիտալիզմի առաջացման ստույգ նախանշան, կնշանակեր կրկնել պատմագիտության ցիկլիստական տեսության սխալները. ելնելով անտիկ աշխարհում զարգացած ապրանքաշրջանառության, առևտրա-վաշխառուական կապիտալի առաջացման և մասսաների պառուպերացման փաստերից, նրանք խոսում էին անտիկ կապիտալիզմի մասին, չնկատելով, որ անտիկ աշխարհում այդ պրոցեսները ընդառաջում էին ոչ թե կապիտալիզմին, այլ միայն՝ ստրկատիրության առավել սուր ու դաժան արտահայտություններին։ Նույնը պիտի ասել նաև եվրոպական ֆեոդալիզմի այն էտապի մասին, երբ բավական լայն ծավալ էին ստացել ապրանքաշրջանառությունը, առևտրա-վաշխառուական կապիտալի շրջանառությունը և մասսաների ունեզրկումը, առանց տակավին վերացնելու բնատնտեսության տիրապետող դերը և վերաճելու կապիտալիստական հարաբերությունների կազմավորման։ Մարքսը ցույց էր տալիս, որ գյուղացիների ունեզրկումը և հողերի կենտրոնացումը հարուստ կալվածատերերի ձեռներում հասցնում էր այն բանին, որ Հին Հռոմում հողերի մշակումը ազատ մարդկանց ձեռներից փոխանցվում էր ստրուկներին, իսկ Կարլոս Մեծի պետության մեջ գերմանական ազատ գյուղացիներին դարձնում ֆեոդալական կախում ունեցողներ և ճորտեր²։ Տարբեր իրադրություն չէր իշխում նաև միջնադարյան Արևելքի այն երկրներում, որ առևտրա-վաշխառուական կապիտալի գործունեությունը տակավին չէր հանդել այն բանին, որ միջոցներից ունեզրկված արտադրողները շուկա հանեն իրենց աշխատուժը որպես ապրանք և կամ կապիտալիստի կողմից գնված այդ աշ-

¹ Վ. Ի. Լենին, Երկեր, IV հրատ., հ. III, էջ 215։

² Տե՛ս Կապիտալ, հ. I, էջ 759, ծան. 211։

խատուժը շահագործվելը արտադրության մեջ հավելյալ արժեք ստեղծելու համար:

Կապիտալի նախասկզբնական կուտակման ընդունակողմը այն չէ միայն, որ մանր արտադրողները կամ մանր սեփականատերերը զրկվում են իրենց ունեցվածքից, այլ որ «մարդկանց ահագին մասսաներ հանկարծակի ու բռնությամբ կտրվում են իրենց գոյության միջոցներից և աշխատանքի շուկա են նետվում որպես օրենքից դուրս հայտնաբերված պրոլետարներ»¹:

Իհարկե կապիտալի նախասկզբնական կուտակման պրոցեսը չի կարելի նույնացնել կապիտալի կուտակման նորմալ պրոցեսի հետ. այս չի նշանակում սակայն, թե այդ պրոցեսները իրարից տարանջատված են դարերի անջրպետով, ինչպես այդ պատկերացում են մեր տեսաբաններից ոմանք: Նախասկզբնական կուտակման պրոցեսը ոչ միայն նախորդում է, այլև պատմականորեն միազոդվում կապիտալի կուտակման, այլ խոսքով՝ կապիտալիստական արտադրության և վերարտադրության նորմալ պրոցեսի հետ: Կապիտալիստական հարաբերությունների զարգացման ելակետը, Մարքսի ուսուցման համաձայն, բանվորի ստրկացումն էր:

«Այդ զարգացումը, — գրում էր Մարքսը, — բանվորի ստրկացման ձևափոխությունն էր, ֆեոդալական շահագործման փոխարկումը կապիտալիստական շահագործման: Այդ զարգացման ընթացքը ըմբռնելու համար մենք կարիք չունենք շատ խորանալու անցյալի մեջ: Թեև կապիտալիստական արտադրության առաջին սաղմերը սպորադիկ կերպով հանդիպում են արդեն 14-րդ և 15-րդ դարերում Միջերկրական ծովի առանձին քաղաքներում, բայց և այնպես կապիտալիստական դարազրուխն սկսվում է միայն 16-րդ դարից»²:

* * *

X—XIII դարերի հայկական քաղաքների զարգացման և նույն այդ դարաշրջանի կուլտուրական կյանքն ու նրա վերելքի առանձնահատկությունները հասկանալու համար հարկավոր է հաշվի առնել, որ երկրում կուտակվող հարստության գլխավոր աղբյուրը շարունակում էր կազմել գյուղացիության ու արհեստավորության ֆեոդալական շահագործումը, նոր սրման հասցնելով գյուղացիության և քաղաքային մասսաների ֆեոդալիզմի դեմ ուղղված պայքարը, սակայն դեռ չստեղծելով ֆեոդալական արտադրաձևից տարբեր արտադրաձև և տեղեկնեց չցուցաբերելով որևէ նոր արտադրաձևի սաղմնավորման: Այդ դարերում Հայաստանում ֆեոդալիզմը ոչ թե փայլավոր էր, այլ մտնում իր զարգացման բարձր շրջանը:

Ապրանքաշրջանառության արժարժման այդ դարաշրջանում Հայաստանում կուտակվող հարստությունը լրացին էր ընկնում նախ և առաջ քաղաքներում ապրող ֆեոդալներին: Զարգացող ապրանքաշրջանառությունը առաջին հերթին շուկա էր բացում սրանց ձեռքում կուտակված հավելյալ պրոդուկտների վաճառահանման համար: Աշխարհիկ և հոգևոր ֆեոդալների, կալվածատերերի ու վանքերի համար հզոր խթաններ էին առաջանում ընդարձակելու իրենց տնտեսությունները, զավթելու գյուղահամայնքների հողաբաժինները, սաստկացնելու գյուղացիների կեղերում՝ նրանց հավելյալ արտադրանքը

¹ Կ. Մարքս, Կապիտալ, հ. 1, էջ 749 (ընդգծումը մերն է—Ա. Ն.):

² Նույն տեղում, էջ 748 (ընդգծումը մերն է—Ա. Ն.):

ավելի մեծ չափերով շուկա հանելու համար: Առևտրա-վաշխառուական կապիտալն ու առևտրական միջնորդը հանդիսանում էին գյուղացու ֆեոդալական շահագործման լծակներ: Ֆեոդալի հետ մեկտեղ նրանք հանդես են գալիս գյուղացու հավելյալ աշխատանքի արդյունքը կլանողների դերում:

XII դարի մատենագիր Կարապետ Սասնեցին թվարկում է այն վայելքները, որոնք իր դարաշրջանում պտտեցնում են հարուստների գլուխը. նա հիշատակում է ոսկին և արծաթը, ակունքն ու մարգարիտները, բեհեզներն ու կերպասները, թանկարժեք երիվարներն ու ջորիները, զենքերն ու շինական հանդերձանքները և մանավանդ ծաղկահոտ գինիներն ու արվեստավոր մատուցվածքները, քաղցրաձայն տավրիշներն ու քնարները, գողտրիկ կերակուրները և այլն. Սասնեցին նշավակում էր իրեն ժամանակակից ֆեոդալներին, որոնք «ազահում էին, նենգում, կաշառում, պարտվում ոսկու կարմրությունից ու արծաթի պայծառությունից, ականց և կերպասների բազմազանությունից»¹:

Ֆեոդալական պատերազմները, ավարառումները, հափշտակումներն ու զեղծարարությունները եկամուտի աղբյուր էին դառնում ֆեոդալների մի մասի և սնանկության պատճառ՝ նրանց մյուս մասի համար: Նույն դերն էին կատարում քաղաքներում կենտրոնացած զորքերի մատակարարումը, հարկահավաքումները, մաքսագանձումները, հանքերի գիշատիչ շահագործման կամ շինարարությունների հետ լծորդված կապալաչին գործարքները, կալվածների, քարավանսարանների, տների, կրպակների վարձակալությունը, անասունների, ստրուկների և ռազմագերիների ղեկման ու վաճառահանումը, ի վերջո վաճառահանման առարկա էին դառնում ֆեոդալներին պատկանած գյուղեր, քաղաքներ և բերդեր:

Զարգացած ֆեոդալիզմը լիակատար հասունացման մեջ էր մանավանդ Կիլիկյան Հայաստանում և նրան սահմանամերձ հայաբնակ վայրերում: Սակայն այստեղ ևս առևտրա-վաշխառուական կապիտալը գործիք է դառնում ոչ թե կապիտալիստական, այլ ֆեոդալական հարստության կուտակման:

Իր քարոզների մեջ Վարդան Այգեկցին, թվարկելով իշխող զրկանքների ու կեղեքումների բուն աղբյուրները, գրում էր. «ի կրպակս և ի հրապարակս, ի վաճառանոցս և ի շուկայս, ի կապանս և ի մաքսատունս, ի զուր տուգանս և ի կիցս ճանապարհաց, ի դողովիւնս և ի կաշառս, ի վաշխս, ի վարաց մշակաց, ի չափս և ի կշիռս, ի ճշտավաճառութիւնս»²:

Քարոզիչը դատապարտում է վաշխառուներին, «որ տան դահեկանս ի ժամանակս նեղութեան վասն հացի և գինւոյ» և կամ որ «զհայրենիքս աղքատաց առնեն զրավական և պահեն»³: Նա նշավակում է նաև անաշխատ մաքսավորությունը. «զի ի ժամ աշխատելոյ չէ ի միջի և կա նստեալ ի կիցս ճանապարհաց և լրբութեամբ բաժին խնդրէ յանցաւորաց»⁴: Կեղեքելով հարստահարության բոլոր աղբյուրները — «և մաքսն ու վաշխն, և կաշառն և զուր տուգանելն և որ ոչ տայ վարձ մշակին», նա ասում է, թե՝ «է սոցա հաւասար և ճշտավաճառն և որ զչափ կամ քան զկշիռն նվազագոյն բռնէ»⁵:

¹ Կարապետ Սասնեցի, Նեքրոզեան ս. Մեսրոպայ, Վաղարշապատ, 1897, էջ 21 և հտ.:

² Հայկական ՍՍՍՌ Մաաննադարան, ձեռ. № 8356, էջ 48ր և 49ա:

³ Նույն տեղում, ձեռ. № 1880, էջ 324:

⁴ Նույն տեղում, էջ 325:

⁵ Նույն տեղում, էջ 329:

Ի՞նչն է հատկանշական այս թվարկումների մեջ. Այդեկցին շեշտում է ապրանքավաճառքի և ապրանքաշրջանառության հետ կապված այն շարաշահումները, որոնք հատուկ են վաշխառական կապիտալին: Նա խոսում է դույրերի ու կալվածների հափշտակման մասին, որոնք փոխում են ոչ թե հասարակության ֆեոդալական կացութաձևի արտադրահարաբերությունները, այլ սոսկ ֆեոդալ սեփականատերերի անձնակազմը:

«Քանզի,— գրում է Այդեկցին,— ջանամք և հնարամք ազդի-ազդի կերպարանաւք և արուեստիւք, դիտնականք ու տղէտք, առաջնորդք և ժողովուրդք, ժողովմք պինչս և փարթամանամք: Եւ դոշեմք ասելով, թէ իմ սեփական հայրենիք և դաւառս, քաղաքս, գեաւդս, աղարակս, անդաստանս, դրախտս, աշդիս, տունս և ապա ջանամք և յափշտակեմք յաղքատացն և յարեմք տուն ի տունս մեր և անդաստան յանդաստանս մեր: Եւ աստուածարար զաւշաքաղութեամբ շրջեմք ի մեջ աղքատացն, և ահաւոր ձայնիւ դողացուցանեմք պնոսա, պրկելով և նեղելով և ի ժամ յայն կարծեմք ի միտս մեր, թէ մեք ոչ եմք ի հողոյ կամ ծնունդք ախտի և այնպէս շարժեմք զգլուխս մեր և սիգալով քայլեմք և կարծեմք, թէ յամպս հասանէ թիկունք և պարանոց մեր»¹: Սուր գրչով շարագրված այս տողերը գրվել են թաթարական արշավանքների նախօրեին: Այս արշավանքները ոչ թե փոխեցին ֆեոդալիզմի վարգացման ուղղությունը, այլ հաղորդեցին նրան ավելի դաժան, ավելի վայրագ ու զիշատիչ բնույթ:

X—XIII դարերում Հայաստանում և Կիլիկիայում շենք տեսնում կապիտալիզմի առաջացման տենդենցներ: Վերը արձանագրված մեր փաստերի մեջ բացակայում է կապիտալի նախասկզբնական կուտակման որևէ նախանշան: Կապիտալի նախասկզբնական կուտակման դարաշրջանում, ֆյումանների երկրում, կամ Անգլիայում ֆեոդալ փողատերերը ունեւրկում էին մանր գյուղացիներին և նրանց վարելահողերը դարձնում ոչխարների արոտավայրեր՝ դործարաններին բուրդ մատակարարելու համար. մեզանում, ընդհակառակը, մանր արհեստագործությունները վրա հանդիպում քաղաքների հետ կապված հայ կալվածատերերն ու վաճառականները, հարստանալու մոլուցքով բռնված հափշտակում էին համայնքապատկան հողերը, նրանց հաշվին իրենց կալվածքների սահմանները ընդարձակելու համար:

Սակայն սրունով պյուղական համայնքների մեջ մտնող գյուղացիները չէին ձերբազատվում ֆեոդալական կապանքներից: Ի տարբերություն արևմտաեվրոպական իրադրության, նրանք շարունակում էին կապված մնալ ֆեոդալների սեփականություն դարձած հողին և երբեմն նույնիսկ հողամրացվելով որպես ճորտեր, ենթարկվում սանձարձակ ճնշման ու կեղեքման: Ծիշտ է, գյուղատնտեսության մեջ այդ ժամանակ հանդիպում են վարձու մշակներ, սակայն սրանց աշխատանքը սեզոնային, պատահական և օժանդակ բնույթ ունեւր: Մշակների վարձը կտրոդ ազարակատերերը չէին դառնում կապիտալիստ ֆերմերներ:

Փողային-ապրանքային հարաբերությունները այդ շրջանում ընդգրկում էին ոչ թե արտադրական, այլ փոխանակային հարաբերությունների ոլորտը: Գյուղի և քաղաքի միջև կար արդեն աշխատանքի բաժանում և ապրանքափոխանակություն, սակայն արտադրողները վաճառքի էին հանում ոչ թե իրենց աշխատուժը, այլ իրենց աշխատանքի արդյունքը: Ֆեոդալական տնտեսու-

¹ Հայկական ՍՍՌ Մատենադարան, ձեռ. № 8336, էջ 32ա—32բ:

թյունը կապված էր երկրի արտաքին և ներքին շուկաների հետ, սակայն ապարանքա-փողային հարաբերությունները չէին փոխում ֆեոդալական շահագործման բնատնտեսական բնույթը: Երկրի կալվածատիրությունը հանգչում էր արտատնտեսական ճնշման ենթարկվող ճորտ գյուղացիների շահագործման վրա: Փողային կամ աշխատավճարային ունեւոր (կոռը) իշխող գեր չէին կատարում ֆեոդալի եկամուտի մեջ: Ծիշտ է, այս շրջանում ֆեոդալական հողատիրությունը զգալի չափերով վերածում էր ֆեոդալական կալվածատիրության, այսպես կոչված ազատական տնտեսության, ուր մեծ տեղ պիտի ունեցած լինի ճորտների աշխատանքը և աշխատավճար ունեւորի կուտակումը: Սակայն ֆեոդալի եկամուտը շարունակում էր կազմված լինել ճորտ կամ կախյալ գյուղացիներից մթերվող արգյունավճար ունեւորից կամ ունեւորի ձև ստացած պարենհարկից: Ֆեոդալի հողային հարստությունը մեծապես կուտակվում էր ճորտ կամ կախյալ գյուղացիներից ստացած հացահատիկների, կաթնամթերքների, բամբակի և այլ արդյունքների գանձումով: Այս տեսակետից ևս խոշոր տարբերություն ենք նկատում մեր և եվրոպական երկրների միջև, ուր զարգացած ֆեոդալիզմի շրջանում գերակշռում էր փողային ունեւոր, թեպետև մի շարք երկրներում, ինչպես Պրուսիայում և Ռուսաստանում, գերիշխող նշանակություն էր ստանալու աշխատավճար ունեւոր (Frohnarbeit, барщина):

X—XIII դարերի Հայաստանում և Կիլիկիայում մեր բնութագրած իրադրությունը հատկանշում է հարստահարության այն եղանակը, որին Մարքսը վաշխառությունյան ասիական ձև» էր կոչում: «Ասիական ձևերի ժամանակ վաշխառությունը,—գրում էր նա,—կարող է շատ երկար ժամանակ հարատևել՝ առանց որևէ ուրիշ բան առաջ բերելու, բացի տնտեսական անկումից կամ քաղաքական ապականությունից: Լոկ այնտեղ և այն ժամանակ միայն, որտեղ և երբ առկա են արտադրության կապիտալիստական եղանակի մնացյալ պայմանները, վաշխառությունը հանդես է գալիս իրեն արտադրության նոր եղանակի կազմիչ միջոց, մի կողմից՝ ֆեոդալ իշխաններին և մանր արտադրողներին ավերածության ենթարկելով, մյուս կողմից՝ աշխատանքի պայմանները կենտրոնացնելով և նրանք կապիտալի վերածելով»¹:

Հայաստանում և Կիլիկիայում առևտրա-վաշխառական կապիտալը նպաստում էր ֆեոդալական ազարակների ծավալմանը, սակայն չէր փոխում տնտեսության ֆեոդալական եղանակը, չէր առաջացնում նրա ներսում որակապես նոր արտադրահարաբերություններ, չէր վերածում ֆեոդալական արտադրատեսակի բուրժուական արտադրատեսակի: Փողային հարաբերությունները մեծ չափերով զարգանում էին շնորհիվ տրանզիտային առևտրի, չաճեցնելով հին արտադրահարաբերությունների հեղաշրջմանը ընդառաջող պայմաններ: Ներքին առևտուրը ազդակներ էր սնում գյուղացիության կեղերումը սաստկացնելու, սակայն դարձյալ չէր փոխում հարկադրանքի ու կեղերման հին, բնատնտեսական, ֆեոդալական հիմքերը:

Այն փաստը, որ ինչպես գրում է Լաստիվերտին, մեծատունները գրավ էին վերցնում կամ հափշտակում տնակից աղքատների տունը, այգին, վարելահողը, կամ տնասունները, դեռ էական նմանություն չունի այսպես կոչված կապիտալի նախասկզբնական կուտակման ժամանակ տեղի ունեցող գավթումների (огораживание-ի) հետ: Լաստիվերտու վկայությունից հետևում է

¹ Կ. Մարքս, Կապիտալ, Երևան, 1949, հ. III, II մաս, էջ 139 և հտ.:

միայն այն, որ XI դարում Բյուզանդիային սահմանամերձ հայկական մարզերում տեղի էր ունենում «հզորների» կողմից «խեղճերի» կամ «աղքատների» հողագրկման ու դուլքագրկման այն պրոցեսը, որը շատ լավ հայտնի է մակեդոնական դինաստիայի կայսրների օրենսդրական ակտերից¹։ Գյուղացիների մասսայական հողագրկման ու դուլքագրկման փաստն ինքյան դեռ նշան չէր կապիտալի նախասկզբնական կուտակման։ Կապիտալի նախասկզբնական կուտակման ժամանակ Արևմտյան Նվրոպայում գյուղացիների ունեզրկումը ոչ միայն վերջ էր դնում նրանց համայնքային կամ մասնավոր հողատիրությանը, այլև նախապայման դառնում նրանց ազատագրման և կապիտալիստական շահագործման ենթակա բանվորական ուժի գոյացման։ Ծորտերի ֆեոդալական շահագործման լիկվիդացումով Անգլիայում ֆեոդալ ազնվականությանը վերածվեց բուրժուական հողատիրության, որի հարստության աղբյուրը կապիտալիստական հողային ռենտան էր։

Այլ բնույթ ունեւ և այլ հետևանք ունեցավ գյուղացիների ունեզրկման փաստը Հայաստանում։

X—XIII դարերում Հայաստանի վանական կամ աշխարհիկ կալվածատիրությունը ազարակային տնտեսության բնույթ էր ստանում մեծապես հենց գյուղական համայնքների ունեզրկման ճանապարհով։ Սակայն ներկա դեպքում արտադրամիջոցներից պոկ գալը գյուղացի արտադրողներին չէր դնում գյուղական բանվորների վիճակում։ Գյուղացիների կողմից հողից պոկ գալը ֆեոդալական դաժան շահագործման կամ գյուղացիների խստաշար հողամրացման դեմ ցույց տրվող սոցիալական դիմադրության հետևանքներից մեկն էր և ոչ մի կերպ կապված չէր այսպես կոչված «կապիտալի նախասկզբնական կուտակման» հետ։ Հայտնի է, որ տակավին Մ. Խորենացին էր գանգատվում «ժառանգությունից» փախչող գյուղացիների մասին։ Սակայն ոչ ոք չի կարծում թե պատմահայրը աչքի առաջ ուներ դրանով մի երևույթ, որ նախապատրաստում էր Հայաստանում ծայր առնող կապիտալի նախասկզբնական կուտակման սկզբնավորությունը։ Հայտնի է դարձյալ, որ թաթարների օրոք ևս Հայաստանի և Իրանի գյուղացիները մասսայաբար լքում էին իրենց բնակավայրերն ու ցանքադաշտերը՝ այսինքն պոկվում էին իրենց արտադրամիջոցներից։ Բայց չարաշար թյուրիմացություն կլինեւ ենթադրել, թե գյուղացիների այս փախուստը նախադրյալներ էր առաջացնում նոր արտադրահարաբերությունների կազմավորման համար։ Հայտնի է, որ անմիջական արտադրողը միայն այն ժամանակ է հնարավորություն ստանում տնօրինելու իր անձը, երբ դադարում է նրա ամրացումը հողին և նրա ճորտական կախումը ֆեոդալից։ Մեղ զբաղեցնող դարերում Հայաստանի համար բնորոշը ոչ թե հողազավթումների կապիտալիստական պրակտիկան էր, կամ գյուղացու ազատագրումը ֆեոդալական կապանքներից, այլ, ընդհակառակը, գյուղացու ֆեոդալական հողամրացումը, նրա անձնական ազատության ֆեոդալական կաշկանդումն ու նրա ֆեոդալական կեղեքման սաստկացումը։ Ֆեոդալական եկամտի գլխավոր մասն այս շրջանում շարունակում էր լինել ռենտան, որի ընդհանուր չափը հիմնականում որոշվում էր ոչ թե ֆեոդալական ազարակների ծավալով, այլ ֆեոդալական կախման մեջ գտնված գյուղական մանր տնտեսությունների քանակով, որոնց մի մասը սկսում էր ենթարկվել բռնի ճորտագրման։

¹ См. В. Васильев, Труды, Л., 1930, էջ 251 և հտ.։

Ոմանց մոլորության մեջ է ձգել այն փաստը, որ XII—XIII դարերում մեզանում կատարվում էին ոչ միայն կանոնագրքերում և քարոզգրքերում դատապարտված վաշխառուական ակտեր, այլև բանկային տիպի առևտրա-ֆինանսական գործողություններ, ինչպես մուրհակների ղեղում, չեղարկվ կատարվող փոխանցումներ և այլն: Հիշելով, արդեն իսկ X դարում ոչ միայն Առաջավոր, այլև Միջին Ասիայում փողային վճարումների համար բանեցվում էին չեղեր: «Այդ ժամանակ,— գրում է Մ. Յակուբովսկին,— հարկ չկար, որ (ճանապարհ գնալիս) մեծ գումար վերցնես հետդ: Կարելի է որևէ քաղաքում փողը տալ վստահարժան մի սառաֆի և վերցնել դրա դիմաց վկայաթուղթ-չեկ, որի համաձայն նշանակված տեղում կարող ես լիովին ետ ստանալ հանձնածդ գումարը»: Ինքը «չեկ» բառն իսկ փոխառություն է պարսկերենից, ուր այդ ժամանակ մեր իմաստով էլ այն գործածվում էր¹:

Նման երևույթներ անշուշտ կային նաև միջնադարյան Հայաստանում: Մասնավորապես բանկային չեղերի առկայությունը դիտված է Կիլիկյան հայ թագավորության ժամանակ²: Ոչ միայն «մուրհակ», այլև «չեկ» բառի իմաստն ունեն «բարաթ» (փոխանակագիր) տերմինը: XVII—XVIII դարերում առևտրական քարվանսարա ունեն և չեկային օպերացիաներ էր կատարում նույնիսկ էջմիածնի վանքը: Այս մասին ուշագրավ նյութեր կան Աղանյանի հրատարակած «Դիվան հայոց պատմության» հատորներում: Կարելի է նույնիսկ ենթադրել, որ ինչպես Միջին Ասիայում, մեզ զբաղեցնող դարերում Հայաստանի կամարակապ փնդուկները (=պանդուկները կամ քարվանսարանները) ևս կատարում էին ոչ միայն հյուրատների, այլև թաղածածկ շուկաների և առևտրական բորսաների դեր: «Քարվանսարանները,— գրում է մեր հիշատակած Յակուբովսկին Միջին Ասիայի մասին խոսելիս,— մանավանդ աշխույժ միջակայաններում, վայրեր էին, ուր կարելի էր կատարել առևտրականին հետաքրքրող ապրանքների վաճառումներ ու գնումներ և որ գլխավորն է, իմանալ առևտրական վերջին նորույթները և ամենից առաջ՝ ապրանքագները: Քարվանսարանները շահաբեր ձեռնարկություններ են նրանց տերերի համար: Ահա թե ինչու քարվանսարա ունենալու ձգտում էին ոչ միայն առևտրականները, այլև խոշոր հողատեր-ֆեոդալները³:

Պիտի դիտենք դարձյալ, որ այս կարգի փաստերը ևս ընդգրկում են ոչ թե զարգացած ֆեոդալիզմի արտադրական, այլ փոխանակային հարաբերությունների ոլորտը: Դրանք պատկանում են այն երևույթների շարքին, որոնք ցույց են տալիս ոչ թե այն, թե արտադրական ինչպիսի՞ հարաբերություններ էին իշխում երկրում կամ ի՞նչ նոր կացութաձև էր սաղմնավորվում այդ ժամանակ, այլ միայն այն, թե ի՞նչ ձև էին ընդունում արտադրանքի առևտրական փոխանակությունը, բանկային վճարումները և այլն: Ինքյան առնված բանկային գործողությունները դեռ չեն հատկանշում հասարակության իշխող կացութաձև: Բանկային գործողություններ տեղի ունեին ինչպես հին ստրկատիրական հասարակությունների, այնպես նաև միջնադարյան ֆեոդալիզմի, նորադարյան կապիտալիզմի և մերօրյա սոցիալիստական կացութաձևի տիրապետության ժամանակ. դրանք ինքյան դեռ չեն կարող հիմք ծառայել այս կամ այն արտա-

¹ «История народов Узбекистана», Ташкент, 1950, I, էջ 228:

² Г. Микаелян, История Киликийского армянского государства, 1952, էջ 18:

³ «История народов Узбекистана», I, էջ 229:

դրանգանակի հատկանշման և մասնավորապես՝ նշան համարվել կապիտալի նախասկզբնական կուտակման առկայություն:

Կապիտալի նախասկզբնական կուտակման շրջանի առավել աչքի ընկնող ներկայացուցիչների մասին խոսելիս հաճախ հիշատակում են Զաքարյանների ժամանակ ապրած Հոնենցին, մոնղոլների ժամանակ անուն հանած Ումեկին ու նրա որդիներին կամ նույն այդ ժամանակ ապրած Սահմադինին ու Շնորհավորին՝ հանձնարարելով սրանց որպես իրենց դարաշրջանի մեծափարթամ «բուրժուաների»: Արձանագրելով այս կարգի մեծատունների ձեռներում նյութական միջոցների կուտակման փաստը, ոմանք ենթադրում են, թե մտնելով հասարակական շրջանառության մեջ, այդ միջոցները զարկ են տալիս «ոչ միայն ապրանքների արտադրության, այլև այն հարաբերությունների վերարտադրության, որոնք ապրանքային արտադրության ծնունդ են» (Չալոյան): Մթափած այս բանաձևը հաշվի չի առնում այն իրողությունը, որ «ապրանքային արտադրությունը» կարող է միատեղվել ոչ միայն կապիտալիստական, այլև ստրկատիրական, ֆեոդալական և նույնիսկ սոցիալիստական հարաբերությունների հետ: Նման բանաձևից կառուցողները վերջակետ են դնում այնտեղ, ուսկից հետագուտողի առաջ ծայր է առնում բուն պրոբլեմը. այսինքն՝ ապացույցներ այն մասին, որ հասարակական դարգացման ընթացքը հանգեցնում էր ոչ թե զարգացած ֆեոդալիզմին, այլ կապիտալի նախասկզբնական այն կուտակման, որ նախադուռ էր հանդիսանում զարգացած ֆեոդալիզմի հատկանշող պարզ ապրանքաշրջանառությունից տնտեսության կապիտալիստական եղանակին անցնելու համար:

Պատմական փաստերի սառնարյուն վերլուծությունը նրանց կարող է հանգեցնել միայն այն եզրակացության, թե նախնթաց դարերի հայ ֆեոդալներից X—XIII դարերի մեծատունները տարբերանշվում էին միայն նրանով, որ գյուղացիներին ճնշողի ու հարստահարողի, կեղերողի վիճակին հասնում էին ոչ թե սրի, այլ փոքի միջնորդությամբ:

Համաձայն մարքսիստական ուսմունքի, ֆեոդալիզմի «բացասումը», նրա «քայքայումը» ծայր է առնում կապիտալիստական հարաբերությունների սկզբնավորումից: Սակայն ընկ. Չալոյանը այս հարցում ունի այլ տեսակետ: Ֆեոդալիզմը բացասելու, այն քայքայելու համար բավական է, որ իր ոսկին հորելու տեղ մեկը կալվածներ ձեռք բերի, բաղաժնեք գնի հնչուն եկամուտ գանձելու նպատակով: Ընկ. Չալոյանի կարծիքով Սահիր Դիվանը որպես նման տիպի մի մեծատուն, ինքյան արդեն «կապիտալ» էր կուտակում և նպաստում մոնղոլների ժամանակ իշխած ֆեոդալական այն կարգերի բացասման, որի առավել կարկառուն ներկայացուցիչներից մեկն էր հենց ինքը, մեծափարթամ

¹ Այստեղ հարկ չենք համարում կանգ առնել հակադիտական այն մանիպուլյացիաների վրա, որոնց գիմում է հարգելի պրոֆ. Վ. Չալոյանը բանաձևից մեջբերումներ անելով մեր աշխատություններից: Այնտեղ, ուր մենք խոսում ենք X—XIII դարերի Հայաստանում ֆեոդալական փակ տնտեսությունների մեջ սկսված քայքայման և տնտեսավարչական կապիտալի կուտակման հիման վրա դարգացող ֆեոդալական նոր հարաբերությունների մասին, պրոֆ. Չալոյանը աճապարում է եզրակացնելու, թե ուրեմն, մենք ևս համամիտ ենք «կապիտալի նախասկզբնական կուտակման» և «ֆեոդալիզմի քայքայման» իր տեսությունը: (Տե՛ս Հայկական ՍՍՀ ԳԱ Տեղեկագիր (հաս. դիտ.), 1958, № 11, էջ 106—108): Կարծում ենք, վատ սփոփանք պիտի լինի պրոֆ. Չալոյանի համար, եթե փաստերի և մտքերի դիտական ճշտման փոխարեն միայն նման մանիպուլյացիաներով պիտի ապացուցվի անհուսալի իր տեսության ճշտությունը:

այդ մեծատունը, Սահիբ-Դիվանը: Փուլթ չէ, որ այդ մեծատունը գործադրում էր գնած կալվածները և իր կուտակած դրամը ոչ թե կապիտալիստական եղանակով, այսինքն արտագրության միջոցների համակենտրոնացման, վարձու աշխատասփի մասսայական շահագործման, այլ իր ձեռք բերած նորանոր քաղաքների հպատակների կամ իրեն «հայրենիք» դարձած կալվածքներին գամված գյուղացիների ֆեոդալական սանձարձակ հարկման ու կեղեքման ճանապարհով: Ընկ. Չալոյանը անգիտանում է, որ կալվածքներ, գյուղեր, ագարակներ, ավաններ ու քաղաքներ գնող այս տիպի մեծատունները ոչ միայն չէին քայքայում կամ բացասում ֆեոդալիզմը, այլ իրենց փողի «ներդրումներով» և սոցիալ-տնտեսական իրենց ամենօրյա պրակտիկայով միայն նպաստում և սպասարկում էին ֆեոդալական հարարերությունների վերարտադրմանն ու դրանց հետագա դարգացմանը:

Հայտնի է, որ XIII դարի հայ մեծատուններից մեկն էր Հոնենցը. Ումեկը, Սահմադինը, Քարիմադինը ու Շնորհավորը հանդիսանում էին վրաց թագավորներից, Ոսկե Հորդայից կամ էլխաններից հովանավորված հարկահաններ, դիվանագետներ կամ այլ տիպի հանձնակատարներ: Նույն տիպի մեծատուն էր նաև նշանավոր Սահիբ Դիվանը, որ վարում էր Հուլավու խանի հիմնադրած մոնղոլական մեծ պետության ամենազոր վարչապետի դերը: Վերհիշենք Ֆրիկի պարզ վկայությունը.

Սահիպ Դիւանին ասենք,
Որ մըլքեց զերկիր նա բոլոր.
Հանցեղ սիսաթ ունէր
Որ չունէր ոչ որ թագաւոր.
Զինչ որ խանութայր կային,
Յափն ունէր զինչ ըզմի խնձոր...

Առևտրա-վաճախառուական կապիտալի բարեկեցությունը հանգչում էր շահագործման ֆեոդալական ունեռալի յուրացման վրա: Բռնելով ասպարեզից հեռացող հայ ժառանգական ֆեոդալների տեղը՝ պարոնացած մեծատունները հպատակեցնում էին գանձագին կալվածքների ու ագարակների, քաղաքների ու ավանների բնակիչներին և հաճախ նույնիսկ ճորտագրում կամ ստրկացնում այդ վայրերի ազատ աշխատավորներին: Այնտեղ, ուր կաղմակերպվում էր ագարակային խոշոր կալվածատիրական տնտեսություն, կիրառվում էր գյուղացիների պարհակային աշխատուժի: Հայաստանի նվաճողների աչքում այս մեծատունները ստանալով նորելուկ ֆեոդալների ու վասալների արտոնություններ, նույնիսկ ավելի վստահելի էին, քան երկրի հին ժառանգատերերը:

XIV դարի վերջերին և XV-ի սկզբներին Մաթեոս Զուղայեցին այս կարգի մեծատուններին «նորափառ» անուն էր տալիս: «Նորափառ կոչի,—գրում է նա,— որ հանկարծակի դիպեալ ինչից նոր փառս ընդունի յընչիցն և ոչ է բնական ի հայրենեացն»¹: Իրենց կենցաղով ու հագուստ-կապուստով սրանք ոչնչով չէին տարբերվում հայրենատեր ֆեոդալներից. նրանց պես լվանում էին և օծում իրենց գլուխները, կոկում միրուքները, հագնում բեհեզ ու ծիրանի, բանեցնում մետաքսե թաշկինակ, կանայք շպարվում սնգուրով ու սպիտակադեղով: Մի այլ տեղ խոսելով «մեծատունների» մասին, նույն հեղինակը գրում էր. «Մեծա-

¹ Հայկական ՍՍԽ Մատենադարան, ձեռ. № 6607, Թ. 53ր:

սուրն ոչ զմեծ և արձակ տունն ասե, այլ փարթամութիւն ընչիցն, որ հարուստ էր ոսկով և արծաթով, հացով և գինւով և այլն, զի ոչ ունեք յազգն պակասութիւն. այլ ծաղկեալ էր ուստերօք և դստերօք, ծառայիք և սպասաւորօք և այլն: Պակասութիւն ինչ ոչ ունէր ոչ յինքն և ոչ ի վաճառսն, ոչ ի յելն և ոչ ի մուտն, ոչ ի պտղաբերն և ոչ յանասունս...»: Այսպիսի մեծատուններից մեկն էր, ասում է Գր. Տաթևացին, որ արհամարհում էր աղքատ Ղազարի վիշտը, «ուտէր և ըմպէր ինքն առատ. հպարտութեամբ շրջէր ի մէջ քաղաքին, պերճացեալ և փառաւորեալ և որպես զգազան զոմանս տանջէր, զոմանս զրկէր և յափշտակէր և ամենքն երկնչէին ի նմանէ»¹:

Պարզ է, որ ոչ փողային հարստության տեր դարձող հայ հին, տոհմային ֆեոդալները և ոչ էլ առևտրա-վաշխառուական կապիտալի սանդուղքներով նրանց հաջորդած, աղարակների ու կալվածների տիրացած մեծատունները, ուղիներ չէին հարթում կապիտալիստական բուրժուազիայի առաջ: Հասարակական այդ վերնախավերի մասին իր ուժի մեջ է մտնում այն դրույթը, որ պաշտպանում էր Մարքսը վաշխառուական կապիտալի մասին խոսելիս: «Պարտքերով ծանրաբեռնված ստրկատերը կամ ֆեոդալ սենյորը... վերջիվերջո իր տեղը գիշում է վաշխառուին, որ ինքը դառնում է հողատեր կամ ստրկատեր, ինչպես հեծյալները Հին Հռոմում: Հին շահագործողի տեղը, որի շահագործումն ավելի կամ պակաս չափով նահապետական էր, հանգես է գալիս մի խստասիրտ, փողատենչ նորելուկ: Բայց ինքը՝ արտագրոյթյան եղանակը չի փոխվում»²:

* * *

Դիտենք վերջապես X—XIII դարերում քաղաքային ներքնախավերի դարդացման պատկերը:

Ոմանք առաջ են քաշում սխալ այն դրույթը, թե Հայաստանի քաղաքներում X—XIII դարերի լոնթացքում նկատելի դարձած պլեբսի (чербс-ի) առկայությունը ինքյան արդեն նշան էր ֆեոդալիզմի բացասման: Այս դեպքում ևս անգիտացվում է, որ քաղաքների պլեբսի առաջացումը ինքյան դեռ նշան չէր «ֆեոդալիզմի» բացասման, անտիկ քաղաքների պլեբսի առկայությունը դեռ չէր բացասվում անտիկ ստրկատիրությունը. այդպես նաև միջնադարյան պլեբսի առկայությունը դեռ չէր բացասում ֆեոդալիզմի տիրակալությունը: Սխալ է նաև ոմանց այն կարծիքը, թե միջնադարյան քաղաքների պլեբսը հանդիսանում էր ժամանակակից պրոլետարիատի «նախորդը», քանի որ միայն միջնադարյան պլեբսը չէր համալրում ժամանակակից պրոլետարիատի շարքերը: Հայտնի է, որ մեծ չափով ժամանակակից պրոլետարիատի շարքերը համալրում էին դյուղհամայնքների մանր այն արտադրողները, որոնք կախման մեջ ընկնելով կապիտալիստական ֆերմերներից, կապալառուներից, սկսում էին աշխատել վերջիններիս սեփականություն դարձած արտադրամիջոցներով որպես վարձու բանվորներ: Հայտնի է դարձյալ, որ ժամանակակից պրոլետարիատի շարքերը համալրվում էին նաև քաղաքային մանր արտադրողների հաշվին: Սկսելով աշխատել բացառապես առևտրական միջնորդների պատվերներով ու արտադրա-

¹ Հայտնեան ՍՍՍՐ Մատենադարան, ձեռ. № 1261, Թ. 324ա:

² Կ. Մարքս, Կապիտալ, հ. III, մաս II, էջ 139:

միջոցներով, հաճախ նրանք ևս բռնում էին վարձու բանվորներ դառնալու ուղին: Հարկավ երբեմն տեղի էր ունենում նաև դեմընթաց պրոցես. «հաջողակ» արհեստավորը երբեմն դառնում է կապիտալիստական ձեռնարկող, իսկ նրա երբեմնի արհեստանոցը՝ կապիտալիստական ձեռնարկության կայան: Զարգացման և՛ մի, և՛ մյուս պրոցեսը անհամատեղելի էր դառնում արհեստավորական համքարությունների հարատևման հետ: Ե՛վ բանվորը, և՛ ձեռնարկողը պետք է ազատ լինեին համքարության կապանքներից, համքարական կանոնադրության նեղիչ պայմանականություններից: Կապիտալի նախասկզբնական կուտակումը Արևմտյան Եվրոպայում անխուսափելիորեն առաջ բերեց համքարությունների քայքայում ու կազմալուծում:

Միանգամայն այլ դրություն էր իշխում X—XIII դարերի Հայաստանում: Մանր արհեստագործությունը և դրան սպասարկող համքարությունները դտնրվում էին ոչ թե քայքայման ու անկման, այլ ծաղկման ու վերելքի շրջանում:

Նկարագրելով հարյուր հազարից ավելի բնակիչ ունեցող Արծնի ավերումը, XI դարում Մատթեոս Ուռհայեցի պատմիչը ասում էր, որ այդ քաղաքում կուտակված էր ոսկու, արծաթի և դիպակների հսկայական հարստություն¹: Դրժրախտաբար պատմիչը չի պարզում, թե ում ձեռներով էր գործվում դիպակը, որի վաճառքը դառնում էր հնչուն հարստություն կուտակելու միջոց: Կարևորն այն չէ դարձյալ, որ XIII դարում Հայաստանում գործվում էր բեհեզ, որի որակը համեմատվում էր աշխարհատես ուղեգիր Մարկո-Պոլոն², այլ այն, թե ո՞վ և ինչպե՞ս էր արտադրում այդ ապրանքը: Ի՞նչ էր բեհեզ արտադրողը, համքարային արհեստավոր, թե վարձու բանվոր: Ի՞նչ էր բեհեզի վաճառահանողը՝ միջնորդ առևտրական, թե արդյունաբերական կապիտալիստ: Վաճառում էր նա արհեստավորներից գնա՞ծը, թե՞ մանուֆակտուրային իր ձեռնարկության մեջ գործված ապրանքը: Կարձ՝ ինչպե՞ս էր տեղի ունեցել բեհեզի արտադրության համար անհրաժեշտ բանվորական ուժի և արտադրամիջոցների միացումը: Այս է էականը:

Որոշ պատասխան այս հարցերին տալիս է Մարկո-Պոլոն, երբ նշում է, որ Մուշի և Մարդինի մոտերքում արտադրվում է մեծ քանակությամբ բամբակ, որից մեծ մասով պատրաստվում են բեհեզ և այլ կտորեղեններ և որ այդ վայրերի բնակչությունը արհեստավորներ են ու առևտրականներ և ամենքը թաթար թագավորի հպատակներ: Այս վկայությունից ականերն է աշխատանքի հասարակական այն բաժանումը, որ տեղի ուներ բամբակ արտադրող գյուղի և այն մշակող ու վաճառահանող քաղաքի միջև: Այնտեղ, ուր արհեստավորը բամբակը չէր գնում գյուղացուց անմիջապես, կամ այնտեղ, ուր արհեստավորը չէր արտադրում գյուղացու պատվերով, գյուղացու և արհեստավորի արանքում տեղ էր գրավում միջնորդ առևտրականը: Վերջինս կարող էր նպաստել կապիտալիստական արտադրության առաջացման, եթե նա միջամտեր արտադրական պրոցեսին և արտադրող արհեստավորը դառնար տնայնագործ բանվոր: Սա կապիտալիստական մանուֆակտուրայի սաղմնավորման էտապը կլինե՞ր հենց:

Հիմք կա՞ ընդունելու, թե մեզ զբաղեցնող ժամանակաշրջանում Հայաստանի արհեստավորները նման կախում ունեին տեղական վաճառահանողներից:

¹ Մ. Ուռհայեցի, Ժամանակագրություն, Վաղարշապատ, 1898, էջ 103:

² Марко Поло, Путешествие, М., 1940, էջ 68:

Առաջին հայացքից կարող է թվալ, թե նման կախման մասին է վկայում Շնորհալին, երբ «Յիսուս Որդի»-ի մեջ, դառնալով աստծուն, ասում էր.

Որք ի կշիռ տուր և առին
Զվաճառականքն խաբեցին
Յարդարամէտ քո կըշըռին
Բազմապատիկ պահանջեսցին,
Որք յաշխարհի գործ արուեստին
Առ ի յոսկւոյ կամ արծաթին
Եւ կամ այլ ինչ նիւթեղենին,
Տեարք նիւթոցն նենգեցին
Հատուցանեն անդրեն նոցին
Քոյդ արդար դատաստանին:

Ի՞նչ իրավիճակ է պարզում այս վկայությունը: Այն, որ առևտուր անելիս ոմանք թերակշռելով խաբում են գնորդին և որ երբեմն արհեստավորը նենգում է պատվիրատուից ստացած նյութը, որի համար և բանաստեղծը պատիժ է սպառնում նենգողներին վերջին դատաստանի օրը: Բնավ չի երևում, որ ներկա դեպքում խոսքն այն պատվիրատուի մասին է, որը հումուլթի դիմաց պիտի արտադրանք ստանար արհեստավորից՝ շուկա հանելու համար: Խոսքը պարզապես թերակշռված ապրանքավաճառի և այն արհեստավորների մասին է, որոնք մշակում էին սպառողի հումուլթը:

Սմբատ Գունդստաբլի «Դատաստանագրքում» ասված է՝ «Արուեստաւոր, որ ղումեք վարձ առնու, որ իրք շինէ կամ կապալով բան այնէ, ու չայնէ, հայնց գէդ, որ պոմանն լինայ, ու չհաճեցնէ զինք, կամ դարձնէ զվարձն և զնիւթն, զոր առել լինայ ի լման, և նա զիր վարձն ըստ արժանոյն դատաւորին տեսովն առնու»¹:

Այստեղ ևս խոսք չկա միջնորդ առևտրականի նյութը մշակողի մասին: Խոսքը վարձով կամ կապալով աշխատող այն արհեստավորների մասին է, որոնք աշխատում էին պատվիրատուի համար, որ կարող էր լինել նաև արտադրանքի անմիջական սպառողը:

«Զմրան քարոզների» վերջվածքում Տաթևացին բաղձանք է հայտնում, որ լինի «արհեստաւորաց ընդ երկրագործացն անխարդախութիւն և առատ շահաւորութիւն»: Այստեղ հեղինակը աչքի առաջ ունի ոչ թե վաճառականի և արհեստավորի, այլ վերջինիս և գյուղացիների փոխհարաբերությունները: Միայն գյուղացու մատակարարած նյութի յուրացումի համար չէ, որ Տաթևացին նշավակում է ջուլհակին, հյուսնին կամ դարբնին, որ «զրկի վարձն կամ գողանա ի նիւթոյն»²: Խոսքն այն արհեստավորների մասին է սոսկ, որոնք յուրացնում են սպառող պատվիրատուի նյութը կամ կտրում աշակերտների ու ենթավարպետների վարձը: Հետաքրքրական է, ի դեպ, որ դարբնի և հյուսնի կողքին հիշատակվում է ոստայնանկը (ջուլհակը): Ակնհերև է, որ Ֆլորենցիայում կամ Ֆլամանների մոտ իշխող դրոլթյան հակառակ՝ մեզանում Տաթևացու ժամանակ ոստայնանկները արդյունաբերական բանվորներ չէին, այլ դարբինների և հյուսների պես սեփական արտադրամիջոցներով գործող մանր արհեստավորներ:

¹ Տե՛ս Սմբատ Սպարապետի Դատաստանագիրք, Երևան, 1958, էջ 146:

² «Զմրան քարոզներ», էջ 117:

Շուկայի հետ ունեցած հարաբերություններով գեոլիովին չի լուսաբանվում արհեստավորների վիճակը, նրանց պատմական զարգացման աստիճանը: Արհեստավորության պատմական զարգացման ցուցանիշներից մեկը ֆեոդալական կապանքներից ազատագրվելու համար արհեստավորության մղած պայքարի աստիճանն է: Վան տվյալներ, որ XI դարում նման պայքար էր մղում Անիի աշխատավորությունը: Թերևս նման պայքար տեղի էր ունենում նաև այլ վայրերում, որի հետևանքով քաղաքաբնակչությունը հասնում էր հարկերի ու տուրքերի որոշ թեթևության, իջեցնում կամ բարձրացնում շուկայի գները և այլն: Այնուամենայնիվ ոչ մի տեղ չեն արձանագրվում քաղաքաբնակչությանը հատկացված կոմունալ ինքնավարության, սեփական դատարանների կամ այլ իրավունքների մասին: Հայ միջնադարյան քաղաքների ավագանին (որին գիտնականներից ոմանք, թվում է թե սխալմամբ Լեիցանի անունն են տալիս), ոչ թե կոմունալ, այլ ֆեոդալական դասային կազմակերպություն էր: Աւագանի, աւագ, աւագ ուրեւ, խորհրդական արեւայի նշումները հանդիպում են արդեն հայ վաղ ֆեոդալական շրջանի մատենագիրների՝ Ազաթանգեղոսի և Փարպեցու մոտ: Ավելի կարևոր է, որ XIII դարում աղբյուրները հաստատում են արհեստավորական եղբայրությունների և դրանց հետ կապված երիտասարդական մարտական կազմակերպությունների առկայությունը: Սակայն տիպական միջնադարյան նման կազմակերպությունները ևս ոչ մի տեղ բուրժուական զարգացման ընդառաջող պայքարի հենակետ չէին դառնում:

Չի կարելի անտեսել միջնադարյան Հայաստանում ստրուկ արհեստավորների առկայությունը: Արհեստավորների ստրկացումը կապ ունի գերեվարության ու գերեվաճառքի հետ: Շահ Արմենների ձեռքից ազատելով Անին, Գիորգի III-ը 40 հազար դահեկանով (գնեացի հեծելին զգերեւալ ծառայսն Անտյ քրիստոնիա և այլ ազգի», — գրում է վրաց պատմիչը: Շահ Արմեններից զնած գերիներով թագավորը հեղեղեց Թբիլիսիի շուկան, ուր դրանցից յուրաքանչյուրը ծախվում էր 40 դահեկանով¹: Աչքի առաջ ունենալով բյուզանդական ժամանակամերձ պրակտիկան, ենթադրում ենք, որ ստրուկ արհեստավորները բանեցվում էին քաղաքային արհեստանոցներում²: Անհամեմատ ավելի մեծ ծախվում արհեստավորների ստրկավարումը տեղի ունեցավ XIII դարում, թաթարների օրոք: Արհեստավորները ստրկագրվում էին, տրվում զինվորականների կամ խանական ցեղին պատկանող ֆեոդալների տրամադրության տակ կամ բանեցվում ռազմական նպատակների ծառայող գործատներում («բյարխանաներում»)³: Ստրկական «բյարխանաներն» աշխատում էին հատուկ վերակացուների հսկողության տակ: Առանց աշխատանքի որոշ բաժանման չէ, որ կազմակերպվում էր ռազմական պետքերի ծառայող այս ձևով արկությունների արտադրությունը: Հասկանալի է նաև, որ արտադրության համար պետք եղած հումուլյները պիտի մատակարարեր ինքը պետությունը: Դրանով, իհարկե, չէր փոխվում վերջինիս ֆեոդալական էությունը:

Արհեստավորների ստրկացման մի այլ աղբյուրը ըստ երևույթին նրանց անվճարունակությունն էր: Մոնղոլների ժամանակ հարկատուները խոշտանգ-

¹ Brosset. Histoire de la Georgie, I, livr. II, էջ 387:

² Сборник материалов по социально-экономической истории Византии, М., 1951, էջ 138:

³ А. М. Белецкий, К вопросу о социальных отношениях в Иране («Советское востоковедение», V, էջ 123 և հտ. չ):

վում էին հարկահանների գելոցներով: Նրանց կրնկակոխ հետապնդում էին կապալառուները և վաշխառուները: Անվճարունակ գյուղացիները բռնում էին գաղթադնացության ուղին կամ, գամված նախկին բնակավայրերին, ստիպված ստրկության էին վաճառում իրենց տղաներին ու աղջիկներին:

Պետության և ֆեոդալների հանդեպ մանր արհեստավորները ունեին գյուղական մանր տնտեսատերերի նկուն վիճակը: Արհեստավորների ճորտագրման հետքեր կարելի է գտնել անգամ XVI—XVII դարերում՝ իրանում և Թուրքիայում: Գյուղացի և քաղաքացի կոռվոր արհեստավորներ կամ սեագործ բանողներ էին մասնավորապես բերդերի շինությամբ զբաղվածները: Շարդենի վկայության համաձայն՝ արհեստավորության մեծ մասը պետական տուրքեր էր վճարում կոռով: Աշխատավճար կամ արդյունավճար ռենտայի ձևով էր կուտակվում խամ ալն մետաքսը, որ արտահանվում էր իրանից կամ վերամշակվում տեղում՝ պետական կամ մասնավոր գործատուներում՝ մեծ չափով իրանահայ խոջանների ձեռքով վաճառահանվելու համար: Մեր աղբյուրների մեջ՝ այդ գործարանները կապիտալիստական տնային արդյունաբերության, կապիտալիստական մանուֆակտուրայի բնույթ կրելու մասին որևէ նշույլ անգամ չկա:

Միայն շահ Թահմազի վարչության վերջում (այսինքն 1570-ական թվականներին) ստրկական աշխատանքի վրա հանգչող իրանական մանվածագործությունը դիջեց իր տեղը համարությունների մեջ կազմակերպված ազատ արհեստագործությանը²: Եվրոպական ուղեգիրների նկարագրություններից ևս ակներև է, որ իրանական լավորակ կերպասները արտադրվում էին ազատ արհեստավորների գործատուներում: Սպահանի հայ խոջանների բնկերության ներկայացուցիչները 1666—67 թվականներին ռուս արքունիքին հայտնում էին, որ կանխիկ փողի վերածելով իրենց ապրանքը, դրա մի մասը իրենք իսկ գործադրում են արտահանության համար խամ մետաքս գնելու, մյուս մասը կանխավճարումներով արհեստավորներին պատվեր տալու համար: Դժբախտաբար այստեղ ոչինչ չի ասված արհեստավորների սոցիալական վիճակի մասին. արդյոք հայ խոջանների հետ կապված ազատ արհեստավորներ էին, թե իրանական ֆեոդալներից կախում ունեցող ճորտ արհեստավորներ, հայտնի չէ³:

Հայտնի է այնուամենայնիվ, որ XVIII դարի սկզբներին իրանական մանվածագործներից ոմանք տեղափոխվում էին Աստրախան և Մոսկվա: Բայց անդամ Ռուսաստանում XVIII դարի մետաքսագործ ձեռնարկությունները ճորտատիրական մանուֆակտուրաներ էին կամ դարձյալ՝ մասնավոր արհեստանոցներ: Կային այսպես կոչված պոսեսիոն գործարաններ, ուր բանում էին 1721 թ. դարական ուկրադով այդ ձեռնարկություններին ամրացված գյուղացիներ: Ձեռնարկություններ էին դրանք, որոնք ոչնչով չնպաստեցին ոչ մետաքսագործության տեխնիկայի զարգացման, ոչ էլ արտադրող ձեռքերի որակավորման: Կապիտալիստական ձեռնարկությունների հետ դրանք ընդհանուր ոչինչ չունեին, և ընդհանուր քիչ բան ունեին կապիտալիստական շրջանի բանվորների հետ նաև նման ձեռնարկներին ճորտագրված բանվորները: Չմոռանանք Լենինի խոսքերը՝ «Այն ժամանակ, ճորտատիրական իրավունքի պայմաններում, խոսք

¹ Այստեղ նկատի ունենք V. Minorsky-ի հրատարակած Tadhkirat al-Muluk, London, 1943, աշխատությունը:

² И. П. Петрушевский, Очерки по истории феодальных отношений в Азербайджане и Армении в XVI—начале XIX вв., Ленинград, 1949, էջ 63 և 138:

³ «Армяно-русские отношения в XVII в.», I, Ереван, 1953, էջ 54:

անգամ չէր կարող լինել ճորտ, իրավագուրկ, «ստորին», «սև» դասի ընդհանուր մասսայից բանվոր դասակարգի առանձնացման մասին»¹:

Հայաստանի պայմաններում զարգացած ֆեոդալիզմը ընկրկեց ոչ թե կապիտալիզմի, այլ սելջուկ-թուրքմենական, մոնղոլ-թաթարական կամ թուրք-իրանական ֆեոդալների կիսանոմադական-կիսաֆեոդալական օտարատիրոջ թյունների առաջ: Հայկական ֆեոդալիզմը ոչ թե քայքայվեց, տեղ անելով ավելի բարձր արտադրաձևի, այլ դիմեց անկման ու վայրէջքի՝ ասպարեզ տալով արտադրության պրիմիտիվ եղանակներին:

Եթե սելջուկների, մոնղոլների, մամլուկների և թուրքերի նվաճումներն Արևմուտքում խթաններ էին առաջացնում առևտրական նոր ուղիների հայտնագործման և դրան նպաստող մի շարք գյուտարարությունների, որոնք վերջին հաշվով դարկ տվին աշգային պետությունների, ազգային ու միջազգային շուկաների հանգուցավորման, պատմական նույն գործոնները XI—XIV դարերում կազմալուծման էին հասցնում հայկական բնաշխարհի Կիլիկիայի հայ ֆեոդալական տիրույթները: Ոչ հայ Բագրատունիները, ոչ Արծրունիները, ոչ էլ Ռուրիկյաններն ու Հեթումյանները չկարողացան ստեղծել համազգային շուկա կամ կազմակերպել այդ շուկան պաշտպանող ազգային կենտրոնացած պետականություն: Խաչակիրների միջոցով զգալապես բնդարձակվեցին Կիլիկիայի միջազգային կապերը: Բայց խաչակիրները և նրանցից ժառանգություն մնացած հայ-արևմտաեվրոպական կապերն ու ազդեցությունները վնասեցին Կիլիկիայի հայ պետականության զարգացմանը և վերջին հաշվով արագացրին նրա կործանումը: Այդ պրոցեսը միանգամից չկատարվեց: Պիտի կարծել, որ սկզբնապես սելջուկների ու մոնղոլների կազմակերպած բնդարձակ տերությունները, վերացնելով տեղական մանր իշխանությունները կամ սելջուկով նրանց իրավասությունների սահմանները, նվաճված երկրներում մի հայտնի չափով նույնիսկ նպաստեցին հաղորդակցության և առևտրի զարգացմանը: Ռազմական մատակարարումների և հարկային կապալների ծավալումը սատարեց առևտրա-վաշխառուական տարրերի նյութական ուժեղացմանը, սպառնալից չափերի հասցնելով փողի և հողի սեփականությունը մեծատունների ձեռքերում կենտրոնանալուն: Մտաբերենք, որ հենց այս ժամանակ էին ապրում Ումեկի ու Սահմադիների, Շնորհավորի ու Սահիր Գիվանի պես փողատեր ու հողատեր մեծատուները:

Զարգացման այս ընթացքին սկզբնապես համապատասխանում էր նաև նախընթաց շրջանում սկսված կուլտուրական վերելքի ուղղությունը: Այսպես կոչված «Հայկական վերածությունը» ներկայացնող Սարկավազն ու Ենոբյանը ինչ ասելով և գործում էին սելջուկների, Ֆրիկն ու Կոստանդին Երզնկացին — մոնղոլների տիրապետության ժամանակ: Բայց վերջին հաշվով ակներև է նաև բացասական խոր այն ներգործությունը, որ ունեցավ սելջուկների ու մոնղոլների տիրապետությունը ոչ միայն Հայաստանի, այլև ամբողջ Առաջավոր Ասիայի տնտեսական ու կուլտուրական կյանքի վրա: «Բավական են պարզ պատահականություններ, ինչպես ժողովուրդների ներխուժումներ կամ նույնիսկ սովորական պատերազմներ, որպեսզի արտադրողական զարգացած ուժեր և պահանջմունքներ ունեցող որևէ երկիր զրկված լինի ամեն ինչ նորից սկսելու

¹ Վ. Ի. Լենին. IX հրատ., հ. 20, էջ 397:

անհրաժեշտության առաջ», — գրում էին Մարքսն ու Էնգելսը¹։ Այս ճշմարտությունը իր ուժի մեջ է մտնում նաև միջնադարյան Հայաստանի և Առաջավոր Ասիայի նկատմամբ։ Հարկավ, այդ երկրներում ծայր առած տնտեսական ու կուլտուրական անկումը ոչ միայն նվաճողների տիրապետության արդյունքն էր, այլև սոցիալական չհաղթահարված այն հակասությունների հետևանքը, որոնք սրվում էին Հայաստանում և Առաջավոր Ասիայում X—XIII դարերի ընթացքում։

Ղազան խանի ժամանակ, XIII դարի վերջերին և XIV դարի սկզբներին, անգամ մոնղոլ նվաճողները գլխի ընկան, որ գյուղական տնտեսության գիշատիչ կեղեքումը հարվածի տակ է դնում ամբողջ երկրի և վերջին հաշվով նույնիսկ նրա իշխողների բարեկեցությունը։ Գյուղացիների մասսայական արտագաղթը արժեքազրկում էր լքած հողերը, դրանք անեկամտաբեր դարձնում պետության և ֆեոդալների համար։ Ղազան խանը ձեռնարկեց մի շարք ունեցողների, որոնք նպատակ ունեին կասեցնելու գյուղացիների փախուստը։ Նույն կարգի ունեցողներ XIII դարի վերջերից և մինչև XIV դարի կեսերը ձեռնարկվում էին նաև էլիտաներին հպատակ հայկական մի շարք վայրերում։ Սակայն նման ձեռնարկումները չկասեցրին երկրում ծայր առած տնտեսական գլխիկոր վարէջքը։

Ջավթելով գյուղացիների հողերը՝ Արևմուտքում նախասկզբնական կուտակման կատաղի ասպետները կազմակերպում էին կապիտալիստական գյուղատնտեսություն, կապիտալիստական ոչխարաբուծություն և այլն։ Ունեզրկված գյուղացիները պանդխտում էին քաղաք և վաճառքի հանում իրենց աշխատուժը կապիտալիստական արդյունաբերության կոնգոտյեներին։ Հակառակ երևույթ էր իշխում մեզանում. գյուղացիները փախչում էին երկրից, մատնվում պանդխտության, սակայն պանդուխտների լքած վայրերում նախադրյալ չէր ստեղծվում կապիտալիստական հարաբերությունների առաջացման համար։ Արհեստագործության անկումը ընդառաջում էր ոչ թե տեղական, այլ դրսի կապիտալիստների շահերին. հետագայում տեղական արդյունաբերության անկումը պայմանավորված էր ոչ միայն վաչկատուն ֆեոդալիզմի գիշատիչ կեղեքումներով, այլև արևմտաեվրոպական կապիտալի ներգործությամբ։ Երկրի արտադրողական ուժերի քայքայումը և ֆեոդալական անարխիայի սաստկացումը ճանապարհ էին հարթում նրա գաղութացման առաջ։

* *

Մեզանում ոմանք տրամադիր են եղել X—XIII դարերում Հայաստանում արժարժվող «աղանդավորական շարժումները» դիտելու որպես կապիտալի նախասկզբնական կուտակման ժամանակ Արևմտյան Եվրոպայում տեղի ունեցած ունեցողների նախօրինակ։ Հայտնի է, որ ունեցողների ժամանակ տեղի էին ունենում ոչ միայն ժողովրդական մասսաների, այլև եկեղեցական կալվածքների հափշտակման պրոցեսներ. ունեցողների հետևանքով կաթոլիկ եկեղեցին զրկվում էր իր հողերի, ունևոր հարկատուների և գյուղացիներից ստանալիք տասանորդների մի մասից։ Կանգ առնելով անգլիական ունեցողների վրա, Մարքսը գրում էր. «Վանքերի և այլ հիմնարկների ոչնչացումը նրանց բնակիչներին դարձրեց պրոլետարներ։ Բուն եկեղեցական կալվածների

¹ К. Маркс и Фр. Энгельс, Сочинения, IV, էջ 45։

մի խոշոր մասը արվեց թագավորական գիշատիչ ֆեոդորիտներին կամ շնչին գնով ծախվեց սպեկուլյանտներին, ֆերմերներին ու քաղաքացիներին, որոնք հին ժառանգական վարձակալներին մասսայորեն վտարում էին այդ կալվածներին ու նրանց տնտեսությունները միացնում էին»¹:

Ակներև է, որ հողային սեփականատիրության վիթխարի այս օտարումները վերջին հաշվով ձեռնտու էին ոչ թե գյուղացիների հաշվին ապրող աշխարհական կամ եկեղեցական ֆեոդալներին, այլ բուրժուազիային: Սրա շահերին էր ընդառաջում աշխատավոր մասսաների ունեզրկումը և բանվորական պահեստագնդերի գոյացումը: Վերհիշենք նաև այն տողերը, ուր Մարքսը գծագրում է այս դարաշրջանի ընդհանուր պատկերը.

«Եկեղեցական գույքերի կողոպտումը, պետական հողերի խաբեբայական օտարումը, համայնական գույքերի հափշտակումը, որ կատարվում է ուղուրպացիայի և անողոր տեռորիզմի միջոցով, ֆեոդալական սեփականության ու կյանքների սեփականության փոխարկումը արդի մասնավոր սեփականության,— սրանք են նախասկզբնական կուտակման բազմազան իդիլիական մեթոդները: Այդ ձևով հաջողվեց նվաճել դաշտը կապիտալիստական հողագործության համար, հողը հանձնել կապիտալի իշխանությանը և օրենքից դուրս հայտարարված պրոլետարիատի անհրաժեշտ հոսանք ստեղծել քաղաքային արդյունաբերության համար»²: Միանգամայն տարբեր իրողություններ էին կատարվում X—XIII դարերի Հայաստանում, ուր ընդհակառակը, ընդարձակվում էին վանական կալվածների սահմանները, սաստկանում գյուղացիների ֆեոդալական կախումը եկեղեցուց, աճում վանքերի և եկեղեցիների՝ գյուղացիներից ու քաղաքացիներից գանձվող եկամուտները: X—XIII դարերի հայ աղանդավորական շարժումները ուղղված էին հենց եկեղեցու հարստահարչական սաստկացած այս տենդենցների դեմ: Միանգամայն անտեղի են այդ շարժումները արևմտաեվրոպական ռեֆորմացիայի հետ համադրելու ուղղությամբ մեղադրում ձեռնարկված փորձերը: X—XIII դարերի հայ աղանդավորական շարժումները որևէ կապ չունենին կապիտալի նախասկզբնական կուտակումը հատկանշող արևմտաեվրոպական ռեֆորմացիայի հետ:

«Իրարու զարմանալիորեն նման, սակայն պատմական տարբեր միջավայրում տեղի ունեցած անցքերը,— գրում է իր նամակներից մեկում Մարքսը,— հասցնում են մեկը մյուսից միանգամայն տարբեր արդյունքների: Դրանցից ամեն մեկն առանձնապես ուսումնասիրելուց և իրար հետ համեմատելուց հետո, հեշտ է գտնել այդ երևույթներն ըմբռնելու բանալին, բայց երբեք էլ չի կարելի հասնել դրանց ըմբռնմանը, ամենուրեք առաջ քաշելով պատմա-փիլիսոփայական որևէ տեսության միևնույն ազդավոր (ОТМЫЧКА), որի ամենամեծ արժանավորությունը դրա գերպատմականությունն է»³:

Կասկած չկա, որ պատմա-փիլիսոփայական նման ազդավորվածների շարքին կարելի է դասել հակապատմական այն գրույթը, որի համաձայն միջնադարյան Հայաստանում որպես թե առկա էր կապիտալիստական հարաբերությունների առաջացման և ֆեոդալիզմի քայքայման «տենդենց», կատարվում էր կա-

¹ Կ. Մարքս, *Կապիտալ*, հ. 1, էջ 753 և հտ.:

² Կ. Մարքս, հ. 1, էջ 766:

³ К. Маркс и Ф. Энгельс, Письма, 1932, էջ 311:

պիտալի նախասկզբնական կուտակում՝ նախապայմաններ ստեղծելով Հայկական ռենեսանսի կամ Վաղ ռենեսանսի առաջացման համար:

Արևելքի և հատկապես Մերձավոր Արևելքի ժողովուրդներն իրենց մասնակցությունն են ունեցել արևմտա-ևվրոպական ֆեոդալիզմի անկման և կապիտալիզմի առաջացման նախապատրաստման մեջ և յուրովի ազդել այդ երկրներում ծաղկած Ռենեսանսի կամ Վաղ ռենեսանսի վրա: Այնուամենայնիվ ֆեոդալիզմի անկման և կապիտալիզմի առաջացման օրրանը հանդիսացավ Արևմուտքը: Որչափ իր հերթին Ռենեսանսի կամ Վաղ ռենեսանսի բեղմնավորումը տեղի էր ունենում հենց նոր կազմավորվող կապիտալիստական հարաբերությունների գետնի վրա, հասկանալի է, որ նրա օրրանը ևս պիտի որոնենք դարձյալ Արևմտյան ևվրոպայում և ամենից առաջ՝ իտալական քաղաքներում:

Կուլտուրական յուրահատուկ այն վերելքը, որ ապրեցին Հայաստանը X—XIII դարերի ընթացքում և Միջին ու Առաջավոր Ասիայի և Անդրկովկասի երկրները, որևէ կասկած չվերցնող պատմական իրողություն է: Պատմական այդ իրողությունը համապատասխանում էր սոցիալ-տնտեսական խոր այն տեղաշարժերի բնույթին, որ ապրեցին այդ ժամանակ այդ երկրները, մնալով պարզացած ֆեոդալիզմին հատուկ օրինաչափությունների շրջանակներում: Պատմաքննական անկողմնակալ ու աննախապաշար ապագա հետազոտությունները պիտի կարողանան ականերև դարձնել, որ այդ դարերում Հայաստանի և հարևան երկրների փիլիսոփայության, գիտության, արվեստի և գրականության մեջ չի կատարվել որևէ հեղաբեկում, որ զարգացած ֆեոդալիզմի պայմաններում այս կամ այն չափով կատարված շինքեր նաև Արևմուտքում՝ նախքան այդտեղ կազմնավորվելը կապիտալիզմը կամ նախքան այդտեղ ծայր կառներ կապիտալի նախասկզբնական կուտակումը: Բոլոր պարագաներում այդ երկրների զարգացման մեջ տեղի չի ունեցել որևէ շրջադարձ, որի լուսաբանության համար հարկ լինելու պիտի ունենալ սաղմնավորվող կապիտալիզմի, բայցավոր ֆեոդալիզմի կամ որևէ հասակի ռենեսանսային մտահայեցողության միջամտությունը: Դիտական բազմաթիվ ձիշտ այն դիտողությունները, որ արված են մինչ այսօր միջնադարյան Հայաստանում կատարված գրական և կուլտուրական նկատելի հեղաբեկումն ու վերելքը բնութագրելու համար, հնարավոր պիտի լինի հավաստել և ընդունել առանց զգալու Հայկական վաղ կամ ուշ ռենեսանսի առկայության կարիքը կամ առանց ենթադրելու կապիտալի նախասկզբնական կուտակման ներգործությունը:

ИМЕЛО ЛИ МЕСТО ПЕРВОНАЧАЛЬНОЕ НАКОПЛЕНИЕ КАПИТАЛА В СРЕДНЕВЕКОВОЙ АРМЕНИИ

АШОТ ИОАННИСЯН

(Р е з ю м е)

На этот вопрос пытались дать положительный ответ некоторые исследователи, ставящие себе задачу подвести некую «материальную основу» под гипотезу о «Ренессансе» или «Раннем ренессансе», имевшем якобы место в развитии Армении X—XIII вв.

Автор настоящей статьи показывает, что как бы ни заслуживала внимания упомянутая спорная гипотеза, выдвигаемое для ее подкрепления предположение об имевшем место в ту эпоху в Армении процессе так называемого «первоначального накопления капитала» находится в резком противоречии не только с марксистской концепцией этого процесса, но и не подтверждается фактами социально-экономической истории средневековой Армении.

По мысли автора, хотя в X—XIII вв. Армения и вступила в период развитого феодализма, характеризуемого возникновением дифференциации между городом и деревней, развитием товарного хозяйства и образованием бюргерства, в ней все же не происходили процессы, сигнализирующие наступление перехода к капиталистическому укладу хозяйства и связанного с этим начала разложения феодализма. В этот период мы не наблюдаем явлений, без наличия коих не может быть речи о так называемом «первоначальном накоплении капитала», не мыслимом без экспроприации собственников средств производства и превращения последних в наемную рабочую силу.

Конкретные данные исторических источников, использованных автором, показывают, что рост торгово-ростовщического капитала зачастую приводил лишь к сосредоточению части феодальной земельной собственности в руках обладателей денежного мешка и усиления эксплуатации насивенного на этой собственности трудового крестьянства.

Не было сдвигов и в сторону зачатия капиталистических отношений также и в развитии городского ремесла. Взамен усиления элементов наемного труда, в этой области наблюдаются явления, свидетельствующие о наличии порабощения и закрепощения трудящихся, привлечении к трудовой повинности организованных в цеховых объединениях ремесленников. Явления эти особенно становятся заметными в эпоху сельджуков и монголов. Однако начавшийся при монголах резкий хозяйственный упадок страны до некоторой степени явился результатом непреодоленных социальных противоречий в жизни Армении X—XIII веков.